

SAMARBEIDSAVTALE

RYFYLKEFONDET KOMMUNALT OPPGÅVEFELLESSKAP

Partane har inngått denne samarbeidsavtalen og etablert Ryfylkefondet kommunalt oppgåvefellesskap etter reglane i kommunelovas kapittel 19, i medhald av følgande vedtak:

- Fylkestinget i Rogaland i møte 26.10.21 i sak 86/2021;
- Sauda kommunestyre i møte 22.09.21 i sak 052/2021;
- Suldal kommunestyre i møte 21.09.2021 i sak 067/21;
- Hjelmeland kommunestyre i møte 17.06.21 i sak 037/21;
- Strand kommunestyre i møte 16.06.21 i sak 050/21

Mellom Rogaland fylkeskommune, Sauda kommune, Suldal kommune, Hjelmeland kommune og Strand kommune. («**Partane**») er det avtalt følgjande:

§ 1 Oppgåvefellesskapets namn

Oppgåvefellesskapets namn er Ryfylkefondet kommunalt oppgåvefellesskap.

§ 2 Eige rettssubjekt

Oppgåvefellesskapet er eit eige rettssubjekt.

§ 3 Representantskapet

1. Representantskapet er oppgåvefellesskapets øvste organ. Kvar av Partane har eit medlem med eit tilhøyrande personleg varamedlem i representantskapet.
2. Representantskapets fem (5) medlemmer med personleg varamedlem blir vald for fire (4) år av Rogaland fylkesting og respektive kommunestyre, jf. kommunelova §19-3 (1)

Ved skipinga av selskapet består representantskapet av: Fylkesordføraren, ordførarane i Sauda, Suldal, Hjelmeland og Strand kommune. Varaordførarane for dei respektive ordførarane er personlege varamedlemmer. Representantskapet vel sjølv leiar og nestleiar. Ved likt røystetal blir leiars stemme avgjerande.

3. Leiaren kallar inn til møte når det er naudsynt eller når minst to (2) av representantsskapsmedlemmene krev det.
4. Representantskapet fastset sjølv retningslinjer for sitt arbeid, som og gjeld sekretærfunksjonen (dagleg leiing) for oppgåvefellesskapet.

§ 4 Føremål, oppgåver og myndigheit

1. Ryfylkefondet sin kapital vert skapt ved overføring av konsesjonskraftverdi frå Partane. Avkastning av Ryfylkefondet skjer gjennom plassering av kapital på renteberande konto i bank.
2. Fondsmidlane skal nyttast til utviklingstiltak for å sikra og auka busetting i Ryfylkeregionen. Midla skal primært nyttas til infrastruktur og næringsutvikling i regionen.
3. Oppgåvefellesskapet kan og løyva midlar til felles prosjekt som Ryfylkekommunane har med Rogaland fylkeskommune og andre kommunar.
4. Representantskapet kan fastsetja nærare retningslinjer for prioritering av tiltak og søknader.
5. Med Ryfylkeregionen meinast primært kommunane Sauda, Suldal, Hjelmeland og Strand.

§ 5 Tildeling av midlar

1. Fondsmidlar kan etter søknad tildelast som tilskot og/eller lån. Kommunar, organisasjonar og verksemdar enkeltvis eller i saman kan søkja om midlar.
2. Representantskapet avgjer til ei kvar tid kor stor del av fondsmidlane som skal nyttast som tilskot/lån.
3. Representantskapets medlemmer er ugilde ved behandling av søknader som gjeld eigen kommune.

§ 6 Krav til innskot og bidrag til oppgåvefellesskapet

1. Oppgåvefellesskapet overtek ved danning Partanes pliktar, eigendelar og fondsmidlar nytta til Partanes tidlegare felles fonds- og tildelingsverksemd. Partane har ikkje nokon ytterlegare innskotsplikt ved danning av oppgåvefellesskapet.
2. Partane skyt årleg inn verdien av kraftkvanta i medhald av den til ein kvar tid gjeldande avtale om konsesjonskraftmidlar mellom Partane. Vedlegg 1.

§ 7 Eigar- og ansvarsandelar

Kvar av Partane er økonomisk ansvarleg for oppgåvefellesskapets økonomiske pliktar avgrensa til kvar Parts forholdsmessige eigarandel. Partanes eigar- og ansvarsandelar fordelar seg slik på avtaletidspunktet:

Eigar	Eigar- og ansvarsandel
Rogaland Fylkeskommune	1/5
Sauda	1/5
Hjelmeland	1/5
Suldal	1/5
Strand	1/5
Totalt	5/5

§ 8 Lån

Oppgåvefelleskapet har ikkje myndigheit til å ta opp lån.

§ 9 Rapportering, rekneskap og revisjon

Eige rekneskap for Ryfylkefondet kommunalt oppgåvefelleskap skal førast og reviderast etter kommunale rekneskapsreglar. Årsmelding skal avgjevast til kvar av Partane. Oppgåvefelleskapets revisor skal vara Rogaland Revisjon IKS.

§ 10 Uttreden

Kvar av Partane kan tre ut av oppgåvefelleskapet med eit års varsel. Ein Part vil ved uttreden ikkje få med seg nokon andel av innskoten kapital eller nokon andel av oppgåvefelleskapets fondsmidlar, men vil halde fram med å hefta økonomisk for sin andel av dei pliktane oppgåvefelleskapet hadde på tidspunktet Parten trer ut, i medhald av kommunelova § 19-2.

§ 11 Oppløysing

1. Oppgåvefelleskapet kan oppløysast ved vedtak frå kommunestyrane og fylkesting hos samtlege parter.
2. Ved oppløysing av oppgåvefelleskapet vert netto fondsmidlar å fordela mellom Partane etter ein forholdsmessig andel basert på eigarandel.
3. Partane fortsett å ha økonomisk ansvar for sin andel av dei pliktane oppgåvefelleskapet hadde på oppløysningstidspunktet, herunder forpliktingar knytt til arkivlagring, ref. punkt 4.-
4. Rogaland fylkeskommune skal ha ansvaret for at oppgåvefelleskapets arkiver blir oppbevart etter at oppgåvefelleskapet er oppløyst.

§ 12 Endring av samarbeidsavtalen

Samarbeidsavtalen for Ryfylkefondet kan endrast etter vedtak frå kommunestyrene og fylkesting i samtlege av Partane.

§ 13 Kommuneleva

Oppgåvefelleskapet er regulert i kommunelova kapittel 19. Resten av kommunelova gjeld så langt det høver.

§14 Tvist

Tvist om innhaldet i samarbeidsavtalen skal søkjast løyst mellom Partane med Statsforvaltaren i Rogaland som oppmann.

Skulle slikt forsøk ikkje føra til løysing, er Sør Rogaland Tingrett verneting for tvister som spring ut av samarbeidsavtalen eller vedlegg.

Avtalen er skriven i 5 eksemplrar, eit til kvar av Partane.

Stavanger,09.11.2021

Fylkesordfører i Rogaland

Ordfører i Sauda

Ordfører i Suldal

Ordfører i Hjelmeland

Ordfører i Strand kommune